

Te Reo Matatini (Reo Whakaputa) He Whakamārama / Tohutohu

Te Paerewa Paetae

32415

Te Ingoa

Ka whakamahi i te reo kia tutuki ai tētahi pūtakenga whakawhiti kōrero, tuhituhi hoki.

Te Whiwhinga

E 5

Te Tukanga Aromatawai

He Tūmahi Aromatawai Pātahi

Ngā Rā Aromatawai

TAPā 1: 10-21 o Hune, 2024
TAPā 2: 9-20 o Hepetema, 2024

Te Roanga o te Aromatawai

E 90 meneti

Te taha whakahaere TAPā i te kura:

Ka whakahaerehia te TAPā e te kura, i te kura, i waenganui i ngā rā aromatawai.

Mā Te Mana Tohu Mātauranga o Aotearoa te taupānga rorohiko, arā ko Assessment Master, e tūwhera, e aukati hoki i ia rā o ngā rā aromatawai.

Ka whiriwhiria tētahi/ētahi o ngā rā aromatawai e tū ai te TAPā i te Wāhanga 2 rānei, i te Wāhanga 4 rānei. Ko ēnei ngā rā i tohua mai e te kura i te rēhitatanga o ngā ākonga ki te Paerewa nei.

E tūwherahia ana a Assessment Master mai i te 8.30 i te ata ki te 5.30 i te ahiahi hei whakaoti TAPā mā te ākonga.

Ka āta whakaritea tētahi/ētahi wāhi motuhake (rūma nui, akomanga) ki ngā rauemi; Kaiwhakarato ipurangi, he rorohiko, he tēpu, he tūru, he pepa ōhio manomano, he pene hoki.

Ahakoā kei te takiwā o te 90 meneti te roa o te TAPā, e āhei ana te ākonga ngā haora katoa o taua rā i whiriwhiria hei whakaoti TAPā māna. Heoi, me whakaoti te ākonga i taua rā tonu, i mua i te aukati o Assessment Master.

Tūmahi Kōrero

Te Whakahaere Tūmahi Kōrero:

Ko tā te ākonga he whiriwhiri i **TĒTAHI** o ngā kaupapa e toru i te tūmahi kei Assessment Master hei mahi kōrero māna.

He reo ōpaki, he reo ōkawa rānei ā he kauwhau, he kōrero whakamārama (mōteatea, taonga, pūrākau aha atu), he kōrero auaha, aha atu aha atu.

E āhei ana e te ākonga te kaupapa nāna i tuhi i te tūmahi tuhituhi te whakakōrero hei kōrero māna.

Ka **1-2 meneti** te roa o te kōrero ā-waha a te ākonga.

Ka mau a hinengaro te ākonga i ngā kupu o ana kōrero, kia kaua e pānui i te tuhinga i a ia e kōrero ana, ka mutu kia māori te tū a te ākonga ki te kōrero ā-waha mai, ā reo ā-tinana mai hoki.

Katoa ngā whakautu a te ākonga he reo Māori.

E āhei ana te ākonga ki te whakaemi i ōna whakaaro, ki te tuhituhi hoki i tana tuhinga hei whakarite kōrero māna. Heoi, ka tū ki te kōrero, kia kaua te ākonga e pānui i ana tuhinga.

Ehara tēnei momo kōrero i te kōrero tene, heoi, kia Māori te āhua o te tuku kōrero, he akiaki nā te kaiako kia māia, kia pakari hoki te āhua o te tū a te ākonga.

Ngā Taputapu:

- He rorohiko
- He kāmera hopu ataata.

Ka kitea katoa te āhua o te ākonga i te kāmera hopu ataata e ngā kaimaaka, e rongoi ai i te reo ā-waha, i te reo ā-tinana hoki.

Kia rongoi hoki i te reo ā-waha o te ākonga anake, kaua ko te hoihoi o ngā tāngata me ngā oro pīroiroi o waho ko te painga atu tērā.

Me mātua oti i te ākonga, i tōna kotahi āna mahi mō tana aromatawai.

Whāia ngā tikanga aromatawai [Assessment and Examination Rules and Procedures](#) kua poua mō te NCEA. Ko ngā taunakitanga a te ākonga ka tukuna mai hei maaka mā NZQA, nā te ākonga anake i mahi.

Mā te pouako te kōrero ā-waha a te ākonga e tuku atu ki a NZQA mā te taupānga a 'Google Drive' [Using the existing digital submissions system :: NZQA](#).